



UNIVERSITÄTS-
BIBLIOTHEK
PADERBORN

De Iustitia Et Iure ceterisq[ue] Virtutibus Cardinalibus

Lessius, Leonardus

Antverpiæ, 1632

6 Quid inobedientia, & quale peccatum.

[urn:nbn:de:hbz:466:1-72459](#)

iunctæ; unde etiam à multis ethniciis spretæ. At potestas viuendi iudicio & arbitratu suo, est bonum spiritale, & præcipuum homini quæ homo est, quod nullus vñquam Philosophus sibi contemnendum aut deferendum duxit. Itaque hoc ipsum propter Deum relinquere, est maioris perfectionis & meriti, quām relinquere opes, vel honores, vel carnis illecebras.

Confirmatur, quia in eo deseritur proprium iudicium & arbitrium in vita direktione; ac proinde omnia ea, quæ homo iudicio suo agere, pati, consequi, habere, retinere, elargiri potest. Itaque per hanc obedientiam homo non minus deserit sponte, quam per seruitutem amittit inuite; qua tamen morte æquiparari solet.

³⁸ Secundò, Quia cùm in hac obedientia subijciat se Religiosus homini propter Deum, includit ipsa non solum nudam virtutem obedientie, quæ res p̄cipit debitum precepti, sed etiam virtutem religionis & charitatis; vt colligitur ex D. Thoma ar. 3. ad 1.

Tertiò, Quia obedientia religiosa est ex voto: hæc enim subiec̄tio Deo promittitur: unde est in star sacrificij, quo homo se ipsum totum, animam & corpus, intellectum & voluntatem, & totam vitam rationem Deo offert. Itaque etiam hac ratione includit virtutem religionis.

Hinc facile intelligi potest quomodo *melior est obedientia quam victimæ*: et si enim oblatio victimarum sit actus religionis; tamen subiec̄tio sua voluntatis sub Deo (in qua consistit obedientia) est etiam actus religionis, si fiat ex voto, aut ex reuarentia erga maiestatem diuinam; vel charitatis, si studio gratificandi Deo, deinde res nobilior exhibetur: nam v̄t Gregorius lib. vlt. Moral. c. 12. hunc locum ad suum propositum exponens vel accommodans: *Per victimas aliena caro, per obedientiam propria voluntas mandatur*; id est, propter Deum deseritur. Quamus alium sensum videatur habere verba illa; (quæ sunt Samuelis & Saül 1. Reg. 15.) nimis melius esse, omissis victimis non præceptis, facere quod Deus præcepit; quām omisso diuino præcepto offerre victimas voluntarias, aut etiam prohibitas, sicut fecit Saül.

Ex dictis colligi poslunt quatuor obedientia gradus.

³⁹ Primus est, Exequi exteriū quod præcipitur. Secundus est, Voluntatem suam omnino subijcere voluntati Superioris, ita ut libenter facias propter Deum, quidquid ipse mandauerit.

Tertius est, Subijcere iudicium suum iudicio Superioris, credendo id melius esse, vel meliorem exitum habiturum quod ipse iussit.

Quartus, Hæc obseruare non solum in ijs quæ stricte præcipit, sed etiam quæ non præcipit, sed solum fieri desiderat.

DVBITATIO VI.

Quid inobedientia, & quale peccatum.

D. Thomas qu. 105.

⁴⁰ *S*icut dictum est obedientiam dupliciter accipi, Omne peccatum inobedientia quadræ est. Ira quoque inobedientia dupliciter usurpatur, materialiter & formaliter. Materialis inobedientia est cuiusvis præcepti prævaricatio. hoc modo omne peccatum est inobedientia quadam; nam per omne peccatum violatur aliquod præceptum ma-

gnum vel paruum, in re graui vel leui, cum perfecta vel imperfecta animaduersione; adçò vt contradictionem implicet, esse peccatum, & non esse contra præceptum. Itaque hæc notio inobedientia includitur in omni peccato, tamquam ratio genericæ, vel vt circumstantia quædam generalis, iuxta diuersum modum explicandi rationem peccati. Simili modo in omni peccato est offendit Dei, Multa inf. quatenus est contra amicitiam & amorem ipsi debitudines; vilipendio & quidam contemptus, vt est generalis contra estimationem Dei, irreligiositas, vt est contra reuarentiam & honorem, ingratitude, vt est contra beneficiorum ipsius recognitionem. Inobedientia tamen ratio clarior appareat in omni peccato, magis que videtur intrinseca: quia desciscere à lege & regula operandi, in omni gente peccatum dicitur. unde peccatum ex D. Ambroſio definitur *soler celestium inobedientia mandatorum, & diuini prævaricatio præcepti*.

Formalis est, quando quis præceptum violat ea intentione vt illud violet, & ei suo facto aduerferetur. hic ratione est propria species peccati ab aliis distincta, per quam contemnitur præceptum, vel ipse præcipiens.

Notandum autem est, hanc inobedientiam esse contra duplex præceptum, videlicet contra præceptum, quod expresa intentione violatur, à quo habet suam speciem, & rationem inobedientia formalis; & contra præceptum, quo talis violatio prohibetur; scilicet, Non contemnes præceptum Superioris, non violabis ex contemptu: & hinc habet rationem genericam, sicut alia peccata: nam hoc modo est contra præceptum materialiter, & solum materialis inobedientia; cùm hoc præceptum non contempnatur.

Petes Primo, Vtrum sicut datur præceptum, quo vetatur inobedientia formalis, ita quoque datur præceptum, quo obedientia formalis præcipiat. An obediens ista formalis.

Respondeo, non dari, si loquamur de executio- lis sit præcepta. ne bonorum operum. ratio est, quia numquam est necessarium, vt faciamus opus bonum præcisè quia debitus ex præcepto: sufficit vt illud faciamus propter intrinsecam ipsius honestatem, aut vt Deo placeamus; sic enim abundè satisfacimus præcepto: plenitudo enim legis est dilectio. Itaque nullum inuenitur præceptum Dei, aut Ecclesiæ, quo iubeamur facere opus hac intentione: omnia enim præcepta iubent opus fieri simpliciter secundum propriam honestatem.

Nec obstat præceptum, quo iubemur obediens Superioribus, et que subiacere: huic enim satisfit, partim si ea quæ iubent faciamus, etiam si non illa intentione formalis satisfaciendi præcepto: partim si velimus illis subesse: quod vele possumus propter amorem Dei, ablique formalis affectu obedientia. Dum tamen implemus aliquod præceptum, obligamur non habere intentionem implementationi contrariam: hoc enim esset contempnere præceptum, cum hac tamen intentione non implendi præcepti, potest impleri præceptum re ipsa; ita vt non sis illius prævaricator, nec tenearis rufus opus præceptum exequi: nam per præceptum solum intenditur vt opus virtutis fiat, non autem vt ex affectu satisfaciendi præcepto fiat. vitam euangelis internum peccatum contra præceptum, requirit ut reuoces animum non implendi præcepti, & ita cupias opere illo præterito satisfacie obligationi. Ordinariè tamen homo non implet præceptum

ceptum, nisi cum expressa vel implicita intentione implendi: quia sine intuitu præcepti vix fieri potest ut opportunè se applicet ad operis præcepti executionem. In executione tamen non tenetur hoc motiu vt, ita ut opus ex illo procedat, sed satis est ut procedat ex affectu propriæ honestatis.

Petes Secundo, Vtrū Prælatus non possit imperare subditu suo Religioso, ut hoc modo operetur,

Respond. Verius videri, non posse. ratio est, quia iste modus operandi non est necessarius ut opus sit actus virtutis; potest enim esse actus virtutis ratione propriæ bonitatis, vel quia sit ex affectu charitatis aut religionis, absq; intuitu præcepti, unde non videtur subesse iusta causa, cui talis modus operandi præcipi possit circa aliquod opus. Sed nec secundum se præcipi potest, nempe ut velis & proponas sic operari, tum quia si non potest præcipi ut sic opereris, multo minus ut sic velis operari; velle enim est propter operari: tum quia actus interni secundum se præcipi humana potestate non possunt, sed solum ut sunt necessari ad constitutum actum externum in aliqua specie virtutis, ut plerique DD. tenent: vel si possunt præcipi, non tamen omnes, sed iij tantu ad quos lute diuinum vel naturali, absque determinatione temporis, loci, vel modi adstringimur; in quibus potestas Ecclesia haec potest determinare. De quo plura 1.2.q.96.

Petes Tertiò, Quale peccatum sit formalis inobedientia.

Respondeo, Ex genere suo esse peccatum mortale, potest tamen esse peccatum veniale, vel defec-
tu perfectæ attentionis, vel ratione levitatis ma-
teriaæ materia autem leuis hic, est præceptum de re
leui, vel quod solum obligat sub peccato veniali.
Ita Valentia dis. p. 7. qu. 9. punto 3. Idem insinuat
Caietanus in Summa v. Inobedientia, dicens, in
inobedientia formalis interuenire peccatum veniale,
propter imperfectionem actus, vel materia minima. &
Lopez i. p. cap. 5. in fine. Verum hoc eget limita-
tione & explicatione. Dicendum igitur, hanc in-

obedientiam nasci immediate vel ex contemptu Cōtempus
præcepti, vel præcipientis. Si ex contemptu præcipi &
prientis, vel contemnitur expresse Deus ipse; & præcipietis.

Hoc est directè contra estimationem & reueren-
tiā ipsi debitam, ac proinde contra virtutem re-
ligionis, quæ tota tali contemnu eruitur; unde
est graue peccatum mortale. Vel contemnitur ho-
mo, qui est Superior; & tunc considerandum est
quomodo contemnatur, si enim contemnas ipsum
potestatem, tamquam nullius momenti, vel ipsum
hominem, (etiam ob aliam causam) ita ut absolute
nolis illi parere, erit peccatum mortale. Si autem
non contemnas potestatem, nec recules parere in
rebus majoris momenti, etiam si contemnas perso-
nam ob defectum eruditioñis, prudentiae, nobilitati-
s, &c. & ex hoc contemptu aliquod præceptum
eius in re leui violes, fortè non erit mortale. Simi-
liter si offensus Superiori, quasi in vindictam id
facias: negari tamen nequit quin sit graue pecca-
tum veniale.

Si autem nascatur ex contemptu præcepti tan-
tum, vel est præceptum rei graui, & sic est etiam
peccatum mortale: vel est rei leuis, & minoris
momenti, et que vel præceptum diuinum vel hu-
manum, si sit diuinum, & contemnas tamquam
inutile aut vanum, & ideo nolis ei parere; sine du-
bio est peccatum mortale: continet enim tacitam
blasphemiam. Si non reputes inutile, sed solum
parui astimes, quia non obligat sub peccato mor-
tali; & ideo violes, fortè non erit peccatum mor-
tale: erit tamen gracie veniale, quia magna est inor-
dinatio, si ideo pecces ut ostendas te peccatum ve-
niale parui facere. Si autem non sit præceptum di-
uinum, sed humanum, & in materia leui, facilius
potest eius contemptus esse peccatum veniale:
quia homo potest in præcipiendo errare; &
cum hoc stare potest obedientia, respectu præce-
ptorum maioris momenti.

Cetera, quæ de præcepto & obedientia dici pos-
sent, pertinent ad 1.2.qu.96.

C A P V T X L V I I .

De virtutibus Iustitiae annexis, in quibus est solum debitum morale.

Constat Dubitationibus 9.

TALES sunt Gratitudo, Vindictio, Veritas,
Amicitia, Liberalitas, Aequitas; quibus sua
virtus opposita adiungemus.

D V B I T A T I O I .

Quid sit gratitudo, & quod eius officium.

D. Thomas quest. 106.

I
Gratitudo
quid.

GRATITUDO generatim est virtus, qua respicit debitum ex beneficio accepto natu, & ut illi aliquo modo satisfaciat, repedit aliquid benefactori, ut actionem gratiarum, obsequium, cultum, vel aliud be-
neficium. Itaque extendit se ad omnes, à quibus aliquid beneficij accepimus; nimis ad Deum, parentes, Superiores, & homines priuatos.

Vtrum autem sit una virtus, ut ad omnes hos fe-
extendit, an plures, ita tamen ut idem sit relata
reli-
gioni, pictati, & obseruantia, quatenus earum ob-
iecta respicit, dubium est.

Videri possit esse una, Primo, Quia obedientia statuitur una virtus, et quod respiciat debitum ortum ex præcepto; nec diversa est pro diversitate An fit una
præcientium, aut præceptorum: ergo similiter communis
gratitudo erit una virtus respiciens debitum pro-
ueniens ex beneficio accepto, nec erit diversa pro
diversitate beneficiorum, aut benefactorum, vide-
tur sanè ytrobique eadem ratio.

Secundo, Compensare pro suo modulo benefi-
cium acceptum, à quocumque demum accepsum
sit, habet peculiarem rationem boni; sicut satisfa-
cere præcepto, à quocumque demum sit imposi-
tum, speciale honestatem & laudem continet:
ergo est aliqua peculiaris virtus, quæ hanc ratio-
nem